

Gryphius, Andreas: 11. (1640)

- 1 Nvn jautze/ was voll Angst/ nun singe was voll Schmertzen!
- 2 Der dreymal grosse Gott/ hat seinen Eyd bedacht!
- 3 Sein Engel hat die Post der keuschen Mutter bracht.
- 4 Sein Engel/ der nicht mehr die gantz erstarten Herten
- 5 Jagt auß dem Paradiß/ was Eva zu verschertzen
- 6 Mehr denn zu willig war/ bringt durch deß Höchsten Macht
- 7 Die Jungfraw wieder vor/ die meiner Sünden Nacht/
- 8 Gebährt die Gnaden-Sonn/ vnd Himmellichte Kertzen.
- 9 Weil Adam wolte gleich/ auß stoltz dem Höchsten seyn:
- 10 Wird vns der Höchste gleich/ vnd zeucht bey Menschen eyn/
- 11 Voll Demuth/ Freundlichkeit/ zwar Arm/ doch Reich von Gaben.
- 12 O Jungfraw voll von Ehr! vnd Gnad! vnd Heiligkeit!
- 13 O Spiegel reiner Zucht! O Blume letzter Zeit!
- 14 Wie hat/ was niedrig war/ der Herr an dir erhaben!

(Textopus: 11.. Abgerufen am 23.01.2026 von <https://www.textopus.de/poems/54486>)